

mainatges d'òc **PLUMALHON**



Astérix



**Laca dels
crocodils**



Minons



**Los òmes
volaires**



Es la passion dels aucèls qu'a cambiat aquel factor en ornitològue. Jean-Pierre Gantera trabalha en Corsega a l'estanh de Biguglia. Es una resèrva naturala e lo nòstre ornitològue estudia l'entorn ont vivon los aucèls e ten còr a l'evolució de las populacions.

Sas coneissenças permeton de protegir melhor lo luòc e sos abitants.

De segur, son d'atrapatòris que pòdon pas

nafrar los aucèls.



Un passerat es estat atrapat al cap d'una miejorada.



L'ornitològue aganta l'aucèl e comença son trabalh.

L'ornitològue

L'ornitològue passa plan temps a metre d'anèls als aucèls. Anelats, los aucèls son de melhor conèisser e de melhor seguir. Fa bon saber d'ont venon e ont van. Solament, per metre un anèl a la pata d'un aucèl, d'en primièr, lo cal agantar.



A bans de pausar l'anèl, pren de mesuras : las alas, lo bèc. Pesa l'aucèl tanben. Per aquò far, lo met dins un sacon que penja a una balança pichona.

Per començar, l'ornitològue pausa d'atrapatòris sus la riba de l'estanh. Son de gabietas o de fialats plan fins e los aucèls los veson pas. Per los i far venir, amb un magnetofòne, difusa lo cant dels aucèls que vòl atrapar.



Es un aucèl migrator ; alara, l'ornitològue agacha jos la pluma se l'aucèl a fachas las resèrvas de grais abans de far lo viatge o se a despensadas sas provecions.



Ara es lo moment de li pausar l'anèl. Es un anelon de metal plan leugièr. Caldriá pas qu'entrepachèsse l'aucèl a causa del pes o de la talha.

Dins lo mond, i a dètz talhas d'anèls e sus cada anèl, i a un numerò unic. Per cada país, i a una mencion especiala. Per pausar un anèl aital, cal èsser un ornitològue competent qu'a passat un examèn.

Cada anèl es repertoriat e cada aucèl marcat es inscrich dins un fichièr informatic. Aquelas informacions son amassadas dins un fichièr que pertòca tota Euròpa. Aital, Jean-Pierre Cantera a pogut saber qu'un aucèl que veniá d'atrapar veniá de Letonia, al nòrd d'Euròpa.

Anelar los aucèls ajuda a conèisser las vias de migracions e lo mòde de vida dels aucèls. Coneisson pas las frontièras, eles !

